

XXI
CONCURSO
DE RELATO
ORAL



Tírale da lingua é un proxecto da AS-PG, dirixido ao alumnado e profesorado, co obxectivo de incentivar e normalizar o uso oral da nosa lingua, converter o idioma en instrumento de comunicación normal, de creación e recreación de historias, de lingua de uso do noso sistema educativo, en definitiva, de devolverlle ao galego o espazo que lle corresponde.

E sobre todo, asegurar a competencia na fala entre o noso alumnado!
BASES DO CONCURSO

1º As historias poderán ser de base popular, de base literaria ou creación propia.

2º As historias contaranse en galego.

3º Nas historias valorarase a calidade lingüística e o seu carácter construtivo e pedagóxico (linguaxe non discriminatoria, linguaxe non sexista...), dicción, dramatización ou espontaneidade.

4º Os/as participantes concursarán individualmente ou en grupo, pero sempre respectando o tempo máximo por actuación que será de 5 minutos. A superación dese tempo pode supor a descalificación. Poderán participar cun máximo dunha historia.

5º O concurso vai destinado a tres niveis académicos.

1) Primaria.

2) 1º Ciclo de ESO.

3) 4ºESO e ensino postobrigatorio.

6º O concurso farase en dúas fases con carácter selectivo:

1) A nivel centro de ensino.

2) A nivel nacional.

7º Na primeira fase será o propio centro o que determine e se responsabilice dos posíbeis premios aos concursantes. O número de concursantes que pasarán da primeira á segunda fase determinarase en función da participación, o que se comunicará aos centros.

8º A formalización da inscrición no concurso por parte dos centros realizarase antes do día 14 de novembro de 2022 enviando un e-mail a: informacion@as-pg.gal. Recibirán confirmación da inscrición e dos datos que deben completar.

Os vídeos ou audios coas contadas deben nomearse co título, autor/a, curso e centro.

9º A fase final celebrarase a finais de novembro. O xurado visionará os traballos realizados e escollerá aos gañadores e gañadoras.

10º Na fase final concederase un primeiro premio por nivel cun valor de 250 euros e un segundo, se o xurado así o estima, por valor de 150 euros. Os centros de ensino dos participantes gañadores recibirán un premio do mesmo importe.

11º O xurado estará composto por tres persoas alleas aos centros participantes con experiencia nestas actividades, actuando de secretario/a un representante de Asociación Socio-Pedagógica Galega.

12º O xurado emitirá o ditame o mesmo día da celebración do concurso.

13º A participación no concurso supón a aceptación íntegra das presentes bases. A AS-PG poderá modificar a modalidade da fase final por razóns que respondan a situación de emergencia sanitaria.

IMPORTANTE! Todos os centros participantes, enviarán a gravación das historias seleccionadas para a final pois non vai haber fase presencial.